


CONCELLO DE SANTIAGO DE COMPOSTELA. PROCESO DE ELABORACIÓN DO PLAN LOCAL DE EMPREGO

DATOS SOBRE O TECIDO EMPRESARIAL EN SANTIAGO DE COMPOSTELA

O estudo do tecido empresarial en Santiago debe considerar como primeiro piar a súa estrutura sectorial.

Gráfico 1



- ✓ Nesa perspectiva, en primeiro termo, como é sabido e de acordo cun apuntamento anterior, o tecido económico de Compostela constitúese fundamentalmente por empresas dedicadas aos servizos, practicamente 8,4 de cada 10. O ciclo de crise, no lapso desde 2008 a 2013, supuxo unha redución evidente e coñecida do volume de iniciativas empresariais, en termos brutos menos intensa segundo se pasa dos servizos á construción e á industria. Non obstante, en termos relativos, as porcentaxes de contracción son, respectivamente, do 5,5% nos servizos, do 14,4% na construción e do 6,6% na industria. Mais, nun nivel de detalle, iso está en relación co tamaño das empresas e co ramo particular de actividade dentro de cada sector.

Táboa 1

Evolución do número de empresas segundo actividade económica (CNAE 2009) principal					
Actividade económica	2009	2010	2011	2012	2013
Industrias extractivas	10	9	8	6	6
Industria manufactureira	451	437	445	420	429
Subministración de enerxía eléctrica, gas, vapor e aire acondicionado	33	40	41	38	38
Subministración de auga, saneamento, xestión de residuos e descontaminación	5	6	5	5	6
Construción	1.149	1.130	1.082	1.047	995
Comercio por xunto e polo miúdo; reparación de vehículos	2.381	2.276	2.267	2.177	2.129
Transporte e almacenamento	474	463	442	431	438
Hostalería	1.080	1.038	1.014	974	963
Información e comunicación	243	232	255	250	257
Actividades financeiras e seguros	151	151	156	163	163
Actividades inmobiliarias	203	226	247	270	299
Actividades profesionais, científicas e técnicas	1.717	1.669	1.667	1.600	1.581
Actividades administrativas e servizos auxiliares	567	510	473	456	375
Educación	315	324	302	328	358
Actividades sanitarias e de servizos sociais	595	551	549	584	589
Actividades artísticas, recreativas e de entretemento	357	340	311	274	282
Outros servizos	480	491	573	555	527

Fonte: IGE

- ✓ Considerando a actividade principal en que se concretan os sectores de dedicación daquelas, a súa evolución entre 2009 e 2013 recolle unha contracción do número de empresas industriais de transformación, da construción, o comercio e a hostalería, así como, acaso máis drasticamente, tendo en conta xa o seu peso estrutural relativo, das de carácter auxiliar como servizos ás empresas.
- ✓ Hai non obstante un mantemento do número daquelas con actividade asistencial e, tratándose sempre de ramos de peso modesto, aínda un aumento das de mediación financeira, en seguros e inmobiliaria; mesmo aumentan as de comunicación e información.

- ✓ Con todo, a lectura do ciclo temporal en clave evolutiva leva a concluír que a composición estrutural do tecido empresarial en Santiago máis se consolida nos termos coñecidos que mostra signos de evolución ao nivel que poderían virtualmente darse.
- ✓ Porque, doutro lado, os datos mostran que a empresa media en Santiago é pequena, menos de dez persoas empregadas; caracteristicamente menos de tres.
- ✓ Asemade, amosan tamén o dato sabido de que o impacto da crise foi inversamente proporcional, en canto descenso do número de empresas, ao tamaño destas.


Táboa 2

Evolución do número de empresas segundo volume de emprego					
Volume de emprego	2008	2009	2010	2011	2012
De 0 a 2	8.187	8.323	8.019	8.017	7.843
De 3 a 5	919	926	930	880	851
De 6 a 9	420	407	398	395	376
De 10 a 19	290	287	274	272	268
De 20 a 49	182	168	168	177	150
De 50 a 99	54	62	64	56	49
De a 249	33	28	31	30	30
De 250 e máis	9	10	9	10	11

Fonte: IGE

- ✓ En coherencia co exposto, predomina como forma xurídica, supoñendo preto da metade dos casos en 2014, a titularidade por persoas físicas, mentres que un terzo cumprido son sociedades de responsabilidade limitada. A escasa entidade das sociedades anónimas e as cooperativas indica ao tempo, respectivamente, unha modestia relativa de volume das empresas -asumindo deliberadamente unha visión simplificadora- e, noutra orde de cousas, a que agora interesa, unha escasa presenza da Economía Social.
- ✓ Rubrica esta impresión xeral que a proporción correspondente a modalidades distintas destas agache fórmulas de asociación de carácter non mercantil vinculadas polo común a iniciativas familiares na hostalería e o comercio e servizos de proximidade.


Gráfico 2



Fonte: IGE

- ✓ Doutro lado, con certa limitación dos datos dispoñibles, unha perspectiva de evolución temporal, entre 2009 e 2011, no corazón do ciclo da crise, aliña en termos de continuidade a estrutura xa comentada coa que se daba naquel último ano.
- ✓ Así, relacionando isto con aquela capacidade de resistencia inversamente proporcional ao tamaño das empresas, pode tirarse a conclusión de que esa estrutura fixa o resultado dunha redución do seu número, que non é exclusiva, pero si principalmente, é o das conformadas por unha persoa física.

Gráfico 3



Fonte: IGE